



Members of the Board

Beth Albiani
Nancy Chaires Espinoza
Carmine S. Forcina
Chet Madison, Sr.
Dr. Crystal Martinez-Alire
Anthony "Tony" Perez
Bobbie Singh-Allen

Christopher R. Hoffman
Superintendent

(916) 686-7700
FAX: (916) 686-7787
EMAIL: suptoffice@egusd.net

Robert L. Trigg Education Center
9510 Elk Grove-Florin Road, Elk Grove, CA 95624

May 19, 2017

Nyob Zoo Cov Niamtxiv, Tus Saibxyuas thiab Tsevneeg Nyob Rau Hauv Elk Grove Unified,

Nws tsi txaus ntseeg tias lub xyoo kawm ntawv no twb yuav xaus. Kev npaj rau cov koomtxoos lav ntawv yeej twb npaj zom zaws lawm nyob thooob lub district. Xyoo no yog ib xyoo uas tseemceeb heev rau kuv thiab kuv tsevneeg vim kuv tus tub los twb yuav lav ntawv rau lwm lub litiam thiab. Ob peb lub xyoo tas los no ua cas yuav mus sai ua luaj li. Nrog cov tsevneeg sawvdaws zoo siab txog tej uas tiav rau lub xyoo no. Peb muaj tshaj li 5,000 tus uas tau kawm ntawv tiav thiab kuv tos ntsoov yuav tuav txhua tus txhais tes.

Peb cov xibfwb, cov tibneeg ua haujlmw thiab cov thawj coj txaus siab heev rau peb lub district tias 94% tus tub ntshais tau kawm tiav ntawm 96%. Peb paub hais tias yog tsi muaj kev txhawb thiab kev koomtes los ntawm cov niamtxiv thiab tsevneeg, qhov feem pua uas siab li no yuav ncav cuag nyuaj. Peb ua peb cov niamtxiv thiab tsevneeg tsaug rau nej txojkev txhawb thiab kev koomtes ua ntu zus. Nws yuav tsum yog ob qhov kev sis txhawb los ntawm tsevneeg thiab lub tsev kawm ntawv tibi los txhawb kom lub hlwb muaj kev noj qab nyob zoo, lub cev los kom noj qab haus huv thiab kawm tau ntawv zoo nyob rau ntawm peb cov tsev kawm ntawv.


Nws yog peb lub zeem muag thiab lub homphiaj los npaj cov kev kawm uas zoo tshaj plaws thiab txhawb rau koj tus menyuum thiab tseem yuav npaj koj kev kawm siab ntshais rau peb cov tub ntshais uas twb kawm tau ntawv sai, kawm tau ntawv zoo, thiab kawm tau zoo tshaj nws cov phoojywg uas nyob thooob plaws cheeb tsam Sacramento no thiab thooob plaws lub xeev. Kuv yeej pom muaj kev kawm ntawv vammeej nyob rau ob peb lub koomtxoos dhau los thaum lub caij spring uas yog tau Elk Grove Regional Scholarship Foundation's Spotlight on Excellence uas muaj 180 tus tub ntshais kawm ntawv tau txais \$209,195 nyiaj scholarships rau ob peb lub National Elementary Honor Society Induction Ceremonies. Txhua lub koom txoos no qhia tau rau peb txog kev mob siab kawm ntawv ntawm peb cov tub ntshais, cov tibneeg ua haujlwm thiab lub zej zos kom ncav kom cuag tus qauv uas peb tau teem tseg.

Raws li koj twb paub lawm, peb nyuam qhuav muaj ib qhov xwmtxheej hlua taws kub tsev nyob rau pem James Rutter Middle School. Kev uas kub tsev li no ua rau peb pom tseeb txog lub zog uas peb muaj nyob rau peb pab team. Cov tibneeg ua haujlwm nyob rau lub tsev kawm ntawv nrog rau cov tibneeg ua haujlwm nram district nrog rau cov tibneeg zej zos tuaj uake sis pab kom muaj kev cobphum nyob rau ntawm lub tsev kawm ntawv thiab kom yuav tsum muaj kev kawm li qub. Los ntawm qhov uas raug puamtsuaj, peb kuj muaj dua ib cov hoob kawm tshiab ntshais thiab. Kuv thov ua txhua tus tsaug rau lawv kev koomtes pab rau qhov no thiab tos ntsoov yuav tsim kho dua lub tsev kawm ntawv thaum lub caij ntuj sov no.

Peb kev vammeej li no nyob rau ntau qhov uas rau peb sawvdaws txaus siab heev thiab ua tsaug rau tej yam li ntawd. Uantej kuv yuav xaus, Kuv xav qhia rau kom koj paub hais tias kev cobphum kev noj qab nyob zoo ntawm txhua tus tub ntxhais nyob rau peb txhua lub tsev kawm ntawv yog qhov number ib uas peb yuav tsum tau saibxyuas uantej thiab peb yuav mob siab saib xyuas zoo kom muaj kev cobphum rau peb cov tub ntxhais kawm ntawv. Ua tsaug rau koj kev txhawb rau Measure M, peb yuav pib ua haujlwm los txhim kho ntau lub tsev kawm ntawv nyob thoob plaws hauv peb lub District li twb hais nyob rau peb daim Facilities Master Plan. Kev txhim kho no yuav hais tibs txog kev cobphum thiab kev ruaj nres nrog rau kev txhim kho kom lub chaw zoo rau kev kawm ntawv. Koj kev txhawb nqa li no, peb yeej txaus siab heev.

Ua koj tsaug rau ib xyoo kawm ntawv uas zoo heev rau 2016-17 thiab kuv vam thiab cia siab tias yuav tau ntsib koj nyob rau tej lub koom txoos uas yuav muaj los tom ntej no. Vam thiab cia siab tias koj yuav muaj kev lomzem rau thaum lub caij ntuj sov no!

Sau Npe,



Christopher R. Hoffman
Superintendent

Niamtxiv Daim Ntawv Sojntsuam

EGUSD Niamtxiv Daim Ntawv Sojntsuam yog ib qhov uas tseemceeb heev rau peb kev siv los mus sojntsuam kom peb qhia tau ntawv zoo tshaj rau peb cov menyuam. Cov kev qhia uas niamtxiv muab tuaj rau peb los ntawm daim ntawv sojntsuam no yuav pab tau peb txhim kho peb cov tsev kawm ntawv thiab peb cov kev kawm. Koj tej tswvyim pab tuaj yeej tseemceeb heev rau peb. Thov mus click lossis nyem qhov link nram qab no thiab mus ua daim ntawv sojntsuam online.

[English](#) | [Spanish](#) | [Vietnamese](#) | [Hmong](#)